

- 三願諸天校錄
- 四願仙樂鏗鐸
- 五願三官注善
- 六願九夜披光
- 七願和冤閉債
- 八願解結除殃
- 九願制魔保舉
- 十願魂度仙鄉
- 十一願恩光普被
- 十二願功德難量

復爐同平

玉籙大齋第三日午朝儀

玉籙齋典判科儀

法事

率八

具位臣禁等謹同誠上啓

三靖三境天尊十極十華上聖東極宮中慈
悲太乙救苦天尊青玄上帝諸天天尊諸天

天帝大羅法界無上真仙三界萬靈一切真

宰恭望天恩洞回昭鑒通意

伏以一炁盈虛萬形出沒死復生而生復死

人為鬼而鬼為人輪轉無窮報債不息悲莫

悲於六道苦猶苦於四生蓋積善者徑陟善

階積惡者終歸惡道賴我

道祖太上慈尊廣立齋科普敷濟拔大啓超

昇之會特垂拯救之文當陰慘陽舒之際乃

神交鬼聚之時魄氣動而悲風生靈響發而

陰霧霽洪音一舉黑環遙聞仰惟

紫極玄尊青華救父指明星為慧炬廣運照

臨凝梵炁作法橋大垂拯濟追魂使者告君

十方所屬地祇招延催促當願天仙道神祇

道人倫道地獄道餓鬼道畜生道孽生物命

魚鱉昆蟲不瞬息間遍高深而普告由斯須

頃周遐邇以咸知自然慈感誠乎翕爾影隨
響答呼群率衆聲相應氣相求出入生眇

能規跋能履無遮無礙源源而來或後或先

徐徐而至使者運招徠之力魂子承攝召之

功所有淨鄴都開業道離寒庭神呪謹當吟

詠

夫學道修真之士以慈悲一切而為心積功

累行之流以利濟萬彙而為本每演經科而

救度常行運念以修崇用假法思必希聖感

謹當齋戒之辰爰命精修之侶建資崇之妙

會設供養之香儀伏為所薦幽魂未嘗殊勝

尚繁罪障難出苦輪念其受身為茲設食仰

惟九州社今五嶽靈官俯賜證明曲垂慈愍

恭願遙瞻仙府上啓

虛皇上帝大軫天恩曲垂憫念當啓乾坤之

內廣邀今古以來是仗威光特伸關請

召孤 接引 蕩形

洒淨 三飯

切以幽途餓鬼長夜沉魂遍滿虛空遊行境

土但吁嗟於邪道常憔悴於歎容復有積劫

伏屍累年滯臭既昏明於旦暮常穢濁於形骸未起解脫之門尚絆湮沉之類或極樛相離父母或老耄永別子孫或居民在此膏肓或征客至茲淪喪或負罪有遺王法或無常遽奪天年或縈纏痠癘而傾亡或凌犯雷霆而震怒或損害相誅性命或刳縊自食平生或山林虎狼傷殘或江海魚龍吞噬或男敵女嫉而至死或蛇傷飲毒而殞亡或銜冤久處於冥途或枉死未離於鬼趣雖思其耐莫過餽羞心腹烟生喉嚨火發木抱饑窮之苦不達飽飲之充空悲免走鳥飛時歷時遷歲改駭離井邑想骨肉以難尋隔越烟波噴胃襟而莫及皆屬里域所攝更無墳塚堪依明月茫茫愁雲漠漠一切孤魂無極澤魄未遂冲昇之路猶紫煩惱之心念六趣之輪迴悲四生之飛走未日而身遭籠繫終朝而膽懾網羅或戰懼歛翅於林巢或含齒披毛於土窟或帶角跨蹄於草澤或張鱗披甲於波潭願鼎鑊則為免其烹臨鋒鋸則豈逃斯慘恐是餘殃致此蓋由積惡使然當有一百二十

冥曹八萬四千地府三官獄訟五獄元宰共都長夜之庭東嶽幽局之府上尸中尸下尸三塗之界死道惡道邪道五苦之門次有鐵屋鐵山地獄鐵牛鐵馬地獄兩石壓身地獄八極八寒地獄斷絕分離地獄焦然脫落地獄如是諸大地獄等當來世劫劫生生出死無門求生無路刀山險峻劍樹森羅食火吞烟不捨焦熾於曉夕飛戈飄戟那堪痛楚於肌膚未離檀石之塗深苦負山之役蕩蕩愛河之上黑浪迷身沉苦海之中銀波溢目空感茫茫於豐蔀可惡寂寂於泉臺盡從過善往心以致此來報體特啓靈修之會爰伸供養之儀伏願至道垂慈高真開度俾令狂野及河源咸獲感通仰承拯拔仗琅函之聖號宣瓊版之唐名未曾聞

死魂受煉天尊 仙道潛通天尊
罪消北府天尊 名上南宮天尊
昭彰妙道天尊 飛昇太空天尊
恭惟聖力昭彰洪慈軫度遂使愛河苦海化作蓮池能令劍樹刀山翻成花園冰池凜冽俄自消泮佛鏡烹煎盡皆撲滅賴玄元之殊造繫道德之良緣於是燈燭將然燦爛而照開地府沉檀乍藝氤氳而騰布十方欲出重泉須憑大造饋其飲食獻以錢財伏覲四司六官善簿惡籍三元九府陰宰陽官俯念有情廣施濟物上祈膏澤下布靈慈安一味為百品之珍化一財為千車之寶普及無窮之世界散露無極之鬼魂仰希霽降形儀當歌祭享遂使虛腸頓實能令餒腹皆充各運身心速伸回向夙緣曩劫承資薦於直風是夜今時味馨香於甘露密灑慈悲之雨洗滌瑕疵廣吹解脫之風掃除罪累普生歡悅受福人天克遂感通仍歸還適稟食靈章謹當吟詠

變食 呪食 加持

持號

道言戒者止也所以止人非心歸於正定故戒生定儒者亦謂知止而後有定但三洞眾經四輔秘典演說戒法種種不同惟無上洞玄靈寶九真妙戒者諸戒之首天人共仰幽顯同遵無上之上洞玄中玄萬神之靈一炁之寶妙貫三才戒制六情數定於陽故分為九修而不偽故名為真天人仰之以為城郭幽顯資之以為梯航今日亡魂受之可以為之法藥然受戒之法靜默為先持戒之法勤奉為上法眾同誠當傳九戒

舉智慧頌

第一戒者敬讓孝養父母是名初真戒受持之後當獲端正長壽果持心勿怠
第二戒者克勤忠於君主是名念真戒受持之後當獲聰明智慧果持心勿怠
第三戒者不殺慈救眾生是名持真戒受持之後當獲富貴豪華勝果持心勿怠
第四戒者不淫正身處物是名守真戒受持

之後當獲吉慶安樂果持心勿怠

第五戒者不盜推義損己是名保真戒受持之後當獲清淨善性果持心勿怠

第六戒者不嗔克怒凌人是名修真戒受持之後當獲祿位清顯果持心勿怠

第七戒者不驕傲忽至真是名得真戒受持之後當獲具足十相果持心勿怠

第八戒者不詐詭賊害善是名成真戒受持之後當獲大道正法果持心勿怠

第九戒者不二奉戒專一是名登真戒受持之後當獲證大法王果持心勿怠

妙戒靈文黃籙白簡既備宣於真旨當敬受於靈文夫心焉難制以九戒則可歸心於太虛形也未超超以二符自可煉形於上境

汝等孤魂直須生生勿忘於戒言劫劫常持於符券澄神物外塵緣永斷於多生受質陽間善果自臻於有永恩留家國慶及無窮所有長生寶籙功德疏文謹當宣告

祭煉

切以啓祈將竟供養已周延駐慮煩冥陽有隔今則時云澄澄之銀河欲轉丁丁之銅漏將殘陰云黯黯之天局牛斗沉沉之霧鎖蟾宮兩云寂寂之商羊鼓舜冥冥之石燕交飛雲云浙浙之暗粧玉樹紛紛之靜墜瑤階各整雲輶齊登霄漢天道即還天道神明各復神司人居三界之中鬼治九幽之府窮魂餓鬼地獄幽牢普願昇遷俱承利益變天厨之品鍊化塵世之錢財悉為祈恩無非致福傾此香齋之會納茲儀獻之儀適皆次第而來今已盤旋而去既得託形仙府必當高步祥雲還朝靈應之官遽詣逍遙之境上窮雲翼下極淵鱗獲奉善因仍聞妙樂溥承資薦共遂超升然冀飲食之餘供養之外曠野飛禽之類悉可充腸深原走獸之徒盡皆飽腹儻值梓弦擊矢永脫侵傷若逢設網持戈更難損害早拋惡趣速證善緣畧伸及物之功稍整信心之重叩頭星漢拜手天階法眾肅官謹伸奉送

玉音仙樂響珊珊 鶴舞鸞飛度九關

執錄祀符超法界 參朝金闕觀天顏
舉極樂頌送 向來
焚燎

玉籙濟幽判斛儀

太上黃籙齋儀卷之一

唐 廣成 先生 杜 光庭 集

頁一

第一日清旦行道儀舊儀今齋王每日投建齋時已投詞祈告若每日重疊即於禮為繁今止一度餘日並停

衆官列位旛節香案肅整於玄師前

立定

唱道場衆等人各運心歸命三寶一

切念

華夏讚引至地戶華夏讚出玉置明耳盡聲

啓堂頌

勤行奉齋戒 誦經制六情 故得乘空飛

耀景上玉清 精心奉經教 吐納鍊五神

功德冠諸天 轉輪上成仙

入戶呪至地戶之左

四明功曹通真使者傳言玉童侍靖玉女為

我通達道室正神上元生炁入我身中

華夏讚引入壇昇天門上十方香東方

始為

至御案三上香

上香密呪

玉華散景

各禮師存念如法法師臨目存見太左右龍虎千乘萬騎三界尊靈聖真侍衛羅列在座乃為弟子奉陳齋意

師得仙道我身昇度決思藉師次思度師願念如初夜法次思青雲之氣而滿齋堂青龍獅子備作前漢山童

衛靈呪
金真綠霞 煥映三天 飛雲丹霄
諸天控輶 晨輝啓旦 陰翳俱消
九微震空 五星回旋 萬仙應感
自然妙玄 杳冥散景 分形億千
蒙昧光曜 瑞降壇乾 生死蒙恩
灌鍊金泉 魔王恐懼 合景三田
鳴法鼓二十四通
發爐

元上三天玄元始三炁太上老君召出屋等